

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
KANTONALNO TUŽILAŠTVO
ZENIČKO – DOBOJSKOG KANTONA**

**Broj: T04 0 KT 0060752 25
Zenica, 14.10.2025. godine**

OPŠTINSKI SUD U VISOKOM
Sudija za prethodno saslušanje
VISOKO

Na osnovu člana 45. stav 2. tačke i), člana 241. stav 1. ZKP-a F BiH, p o d i ž e m

OPTUŽNICU

Protiv:

A. A., ..., neosuđivana, zastupana po advokatu Lemeš Tariku,

Što je:

U vremenskom periodu od 01.09.2019. godine pa do 31.01.2025. godine, na području grada V. i opštine B., s ciljem da sebi pribavi protivpravnu imovinsku korist dovela i održavala u zabludi prikazivanjem lažnih činjenica druge osobe da na štetu tuđe imovine nešto učine, na način da je u postupku ostvarivanja prava o naknadi troškova prevoza, kao zaposlenik više škola na području grada V. i opštine B. dovela u zabludu direktore škola način da je više puta podnijela zahtjev za ostvarivanje prava o naknadi troškova prevoza, sa popratnom dokumentacijom (obavijest o evidenciji prebivališta-boravišta CIPS, ovjerene izjave o mjestu prebivališta) u kojima je kao mjesto prebivališta naveden grad Z., iako je bila svjesna da svo vrijeme živi u B., na koji način je dovela u zabludu direktore više škola, koji su potom donijeli rješenja o naknadi troškova prevoza za period kojim rješenjima je utvrđeno pravo na naknadu troškova prevoza, te joj je u tu svrhu isplaćen novac i to:

1. U ... školi ... u kojoj je bila zaposlena na radnom mjestu nastavnik ..., dovela u zabludu direktoricu škole L. I. na način da je četiri puta podnijela zahtjev za ostvarivanje prava o naknadi troškova prevoza, u kojima je kao mjesto prebivališta naveden grad Z., iako je bila svjesna da cijelo vrijeme živi u B., da bi potom L. I. donijela više rješenja o naknadi troškova prevoza za period od 03.09.2019. godine do 31.08.2024. godine, kojim Rješenjima je utvrđeno pravo na naknadu troškova prevoza, te joj je u tu svrhu isplaćen ukupan iznos od 3.370,30 KM, svjesna da je na ovakav način s ciljem da sebi pribavi protivpravnu imovinsku korist dovela i održavala u zabludi drugu osobu, da na štetu imovine Zeničko- dobojskog kantona nešto učini, a što je i htjela,
2. U Gimnaziji ... u kojoj je bila zaposlena na radnom mjestu nastavnik ..., dovela u zabludu direktora škole F. E. na način da je više puta podnijela zahtjev za ostvarivanje

prava o naknadi troškova prevoza, u kojima je kao mjesto prebivališta naveden grad Z., iako je bila svjesna da cijelo vrijeme živi u B., da bi potom F. E. donio više rješenja o naknadi troškova prevoza za period od 01.09.2019. godine do 31.01.2025. godine, kojim Rješenjima je utvrđeno pravo na naknadu troškova prevoza, te joj je u tu svrhu isplaćen ukupan iznos od 4.914,80 KM, svjesna da je na ovakav način s ciljem da sebi pribavi protivpravnu imovinsku korist dovela i održavala u zabludi drugu osobu, da na štetu imovine Zeničko- dobojskog kantona nešto učini, a što je i htjela,

3. U ... školi ... u kojoj je bila zaposlena na radnom mjestu nastavnik ..., dovela u zabludu direktora škole R. A. na način da je podnijela zahtjev za ostvarivanje prava o naknadi troškova prevoza, u kojima je kao mjesto prebivališta naveden grad Z., iako je bila svjesna da cijelo vrijeme živi u B., da bi potom R. A. donio rješenje o naknadi troškova prevoza za period od 01.09.2021. godine do 15.08.2023. godine, kojim Rješenjem je utvrđeno pravo na naknadu troškova prevoza, te joj je u tu svrhu isplaćen ukupan iznos od 1.496,90 KM, svjesna da je na ovakav način s ciljem da sebi pribavi protivpravnu imovinsku korist dovela i održavala u zabludi drugu osobu, da na štetu imovine Zeničko- dobojskog kantona nešto učini, a što je i htjela,

Čime je počinila produženo krivično djelo prevare iz člana 294. stav 1. KZ FBiH u vezi sa članom 55. KZ F BiH.